

Orkugerðin ehf.

Kt. 580169-7249


Heiðargerði 5, Flóahreppi

orkugerdin@orkugerdin.is

ORKUGERÐIN EHF.



Grænt bókhald 2015



EFNISYFIRLIT

EFNISYFIRLIT	1
1 SKÝRSLA STJÓRNAR	2
2 STADFESTING ENDURSKOÐANDA	3
3 ALMENNT UM ORKUGERÐINA EHF.	4
3.1 ALMENN LÝSING STAÐSETNINGAR	4
3.2 REKSTUR OG STJÓRN	4
3.3 STARFSLEYFI ORKUGERÐARINNAR EHF.	5
4 LÝSING Á HRÁEFNI, FRAMLEIÐSLUFERLI OG AFURÐ	5
5 UMHVERFISSTEFNA ORKUGERÐARINNAR	6
6 GRAENT BÓKHALD OG LYKILTÖLUR	7
7 SKÝRINGAR Á UMHVERFISPÁTTUM	8
FRÁVEITUVATN	8
LOSUN EFNA Í ANDRÚMSLOFT	8
ÚRGANGUR OG SPILLIEFNÍ	9
8 NIÐURSTAÐA	9

1 SKÝRSLA STJÓRNAR

Yfirlýsing stjórnar Orkugerðarinnar ehf.

Grænt bókhald fyrir árið 2015

Stjórn Orkugerðarinnar ehf. staðfestir hér með að allar upplýsingar sem fram koma í þessari skýrslu eru réttar og lagðar fram eftir okkar bestu vitund. Upplýsingarnar eiga að gefa gott yfirlit yfir starfsemi okkar á þessu ári.

Rekstur fyrirtækisins með tilliti til umhverfismála var með eðlilegum hætti á árinu 2015 og var unnið var að endurbótum frárennslismála. Í kafla 7 og 8 koma fram helstu umhverfisfrávik og er það áframhaldandi verk stjórnar að vinna að þeim málum.

Þessi skýrsla er áfangi í vinnu okkar við að bæta starfsemi fyrirtækisins með það að markmiði að koma í veg fyrir skaðleg áhrif á umhverfi og lífríki í nágrenni verksmiðjunnar.

Þessi skýrsla inniheldur grænt bókhald og hefur verið gerð með hliðsjón af reglugerð nr. 851/2002, sbr. staðfestingu þar á í lok hennar.

Flóahreppur, 21. 7. 2016

Fh. stjórnar Orkugerðarinnar ehf:

Guðmundur Tr. Ólafsson

2 STADFESTING ENDURSKODANDA

Í reglugerð nr. 851/2002 um grænt bókhald kemur fram að endurskoða þurfi skýrslu um grænt bókhald á sambærilegan hátt og staðið er að endurskoðun fjárhagsbókhalds fyrirtækja.

EFLA verkfræðistofa hefur endurskoðað þessa skýrslu Orkugerðarinnar ehf. um grænt bókhald fyrir árið 2015 og rýnt eftifarandi þætti:

- Hvort skýrsla um grænt bókhald innihaldi þær upplýsingar sem hún á að innihalda skv. 6., 7. og 8. gr. r.g. 851/2002.
- Hvort þær tölulegu upplýsingar sem birtar eru séu í samræmi við gögn úr fjárhagsbókhaldi og vöktun fyrirtækisins á lykiltöluum í umhverfismálum.

Grænt bókhald er í samræmi við kröfur r.g. 851/2002.

Reykjavík, 20.07.2016



Eva Yngvadóttir, efnaverkfræðingur


EFLA verkfræðistofa



3 ALMENNT UM ORKUGERÐINA EHF.

3.1 ALMENN LÝSING STAÐSETNINGAR

Fyrirtækið Orkugerðin ehf. er staðsett rétt við Hringveg 1 í Flóahreppi, um 7 km austan við Selfoss, sjá mynd 1. Helstu nágrannar verksmiðjunnar eru bærinn Hraungerði sem er um 700 m norðaustur af verksmiðjunni. Lambastaðir sem eru um 700 m austan við verksmiðjuna og Skeggjastaðir sem eru um 300 m austar. Hraungerðisskóli og Þingborgir eru um 800 m suðaustur af verksmiðjunni. Bollastaðir og Langstaðir eru um 1,4 km vestan við verksmiðjuna og Litlu-Reykir eru um 2,4 km norðan við. Enn lengra er síðan í bæi sem eru sunnan verksmiðjunnar.



Mynd 1 Staðsetning Orkugerðarinnar ehf. (A) við þjóðveg 1, Suðurlandsveg í Flóahreppi.

3.2 REKSTUR OG STJÓRN

Framleiðsla á kjötmjöli og fitu hófst fyrst hjá fyrirtækinu árið 2000 og hét það þá Kjötmjöl ehf. en fyrirtækið var stofnað 1998. Síðan þá hefur fyrirtækið skipt um eigendur og hét í millitíðinni Förgun ehf. Núverandi eigendur fyrirtækisins eru:

Sorpstöð Suðurlands (34,1%), Sláturfélag Suðurlands (25,6%), Sláтурhúsið Hellu (16,5%), Reykjagarður (12%), Ísfugl (11%).

Í stjórn nú eru: Guðmundur Tryggvi Ólafsson og Steinþór Skúlason.

Framkvæmdastjóri er Guðni Geir Jóhannesson.

Starfsmannafjöldi Orkugerðarinnar ehf. hefur verið 3-4.

Húsnæði fyrirtækisins, sem er stálgrindarhús, er um 800 fermetrar að stærð en auk þess tilheyrir um 40 fermetra ketilhús fyrirtækinu.

3.3 STARFSLEYFI ORKUGERÐARINNAR EHF.

Starfsleyfi fyrirtækisins er frá 27. febrúar 2007 og gildir til 12 ára. Útgefandi starfsleyfisins er Heilbrigðiseftirlit Suðurlands sem annast reglubundið eftirlit með fyrirtækinu hvað mengunarmál varðar, en Matvælastofnun á Selfossi hefur eftirlit með vinnsluþætti fyrirtækisins.

Starfsleyfi fyrirtækisins kveður á um að það skuli færa grænt bókhald. Samkvæmt reglugerð 851/2002 um grænt bókhald fellur Orkugerðin ehf. undir fyrirtækjaflokk 6.5. „*stöðvar þar sem förgun eða endurvinnsla skrokka og úrgangs af dýrum fer fram og afkastageta er meiri en 10 tonn á dag*“.

4 LÝSING Á HRÁEFNI, FRAMLEIÐSLUFERLI OG AFURÐ

Orkugerðin framleiðir prótein mjöl og fitu úr dýraleifum. Á Suðurlandi er áætlað að til falli um 5.000 tonn af slátur- og kjötvinnsluúrgangi árlega. Þessi úrgangur var urðaður að mestu hér áður fyrr.

Framleiðsluleifum frá sláturnhúsum og kjötvinnslum er safnað og komið í hráefnismóttöku verksmiðjunnar sem er innandyra, lokuð og algjörlega aðskilin frá öðrum svæðum verksmiðjunnar. Í móttökunni er hráefnum sturt að síló, sem síðan matar sjóðarana eftir að hráefnið hefur verið hakkað. Ekkert fer úr hráefnismóttökunni nema í gegnum sjóðarana fyrst eða aðra sótthreinsun. Fyrirtækið hefur framleitt úr næri 5.000 tonnum af hráefni árlega en áætlanir hafa verið uppi um framleiðslu úr um 7.000 tonnum. Unnið er í lotum í verksmiðunni sem hver er um ein vika og eru um 85 tonn af hráefni í hverri lotu.

Í sjóðurunum sem eru staðsettir í hreina svæði verksmiðjunar er nánast allt vatn soðið úr hráefninu undir þrystingi. Þar gufa um 60-70% af þunga hráefnisins upp í lofthreinsibúnaðinn. Það efni sem kemur úr sjóðurunum er að meðaltali 14% fita og 18% mjöl. Þessi hlutföll eru breytileg eftir hráefnissamsetningu. Fitani og mjölið eru síðan skilin að í pressu. Fita fer síðan í díkanter skilju til hreinsunar og þaðan á upphitaða birgðatanka (60°C). Mjölið fer inn á millu og þaðan inn á mjölsíló til geymslu og loks til pökkunar í sekki.

Afurðir eru eins og áður segir fita og próteinríkt mjöl. Fitani er fyrtaks orkugjafi og er hún nú í auknu mæli seld sem hráefni í framleiðslu á lífdísel. Einnig var hún seld í svína- og loðdýrafóður. Ýmsar mjöltategundir hafa verið framleiddar gegnum tíðina og er mjölið eftirsótt í gæludýra- og loðdýrafóður auk áburðar fyrir ræktun. Afurðin hefur verið seld hér lendis og erlendis en nokkuð erfitt hefur verið um vik með sölumarkaði vegna takmarkana og breytinga á reglugerðum.

5 UMHVERFISSTEFNA ORKUGERÐARINNAR

Starfsemi fyrirtækisins hefur áhrif á umhverfið og er háð lögum og reglugerðum. Með því að auka þekkingu og skilning starfsmanna, og með stöðugum umbótum í umhverfismálum, stefnir Orkugerðin ehf. að því að lágmarka áhrif starfseminnar á umhverfið. Fyrirtækið er nú með samþykktu umhverfisstefnu og í henni segir:

Starfsmenn Orkugerðarinnar munu:

- ✓ *Fylgjast með breytingum á lögum og reglugerðum tengdum slíkri starfsemi.*
- ✓ *Fræða, þjálfa og hvetja alla starfsmenn til að vinna verk sín á umhverfisvænan hátt.*
- ✓ *Vakta og stýra mikilvægum umhverfispáttum til að lágmarka umhverfisáhrif af starfseminni, meðal annars með því að:*
 - *vinna stöðugt að bættri nýtingu orku og hráefna*
 - *lágmarka loftmengun*
 - *lágmarka rykmengun*
 - *minnka magn úrgangs sem fer til urðunar*
 - *flokka úrgang og halda spilliefnum aðgreindum*
 - *minnka hættu á jarðvegsmengun*
- ✓ *Taka tillit til umhverfisáhrifa við:*
 - *val á nýjum framleiðsluferlum*
 - *vöruprórun*
 - *innkaup*
 - *framkvæmdir*
- ✓ *Endurskoða umhverfisstefnuna reglulega með umbætur í umhverfismálum að leiðarljósi.*

6 GRÆNT BÓKHALD OG LYKILTÖLUR

Tafla 6.1: Notkun áranna 2011 – 2015

Hráefni og framleiðslu- eða umhverfisþættir í starfsemi Orkugerðarinnar ehf.	Eining	Ár				
		2011	2012	2013	2014	2015
Móttekið hráefni	Tonn	4.313	4.382	4.751	3.543	3.992
Hjálparefni í framleiðslu	Itr.	-	-	-	-	-
Olíu- og smurefní	Itr.	20	394	108	106	36
Þvotta- og hreinsiefni	Itr.	220	271	253	103	82
Málningarefni	Itr.	26	19	27	3	5
Önnur efni	Itr.				20	
Efni í gufuketil	Itr.			200	120	40
Orkugjafar						
Rafmagn	kWh	385.000	432.399	441.723	389.005	330.058
Fita	Itr.	422.000	433.146	515.708	531.485	598.759
Olía	Itr.	29.000	34.586	42.964	3.332	6.010
Gas	kg	60	30	20	-	-
Bensín	Itr.				246	-
Vatn						
Kalt	m³	4.400	4.400	4.400	4.400	4.400
Heitt	m³	21.300	16.261	23.944	12.834	13.200
Úrgangur						
Spilliefni						
Almennur úrgangur til urðunar	kg	88.130	247.070	394.841	147.320	100.830
-þar af sláturúrgangur/seyra/fóðurmjöl	kg			392.361	140.200	100.320
-þar af fita	kg			1.390		-
-þar af óflokkaður úrgangur				1.090	7.120	510
Jarðvegsúrgangur	kg	85.250	-	-		-
Timbur (til endurvinnslu)	kg			9.490		-

Skýringar við tölulegar upplýsingar í grænu bókhaldi

Aukning var í móttöku hráefnis á árinu 2015 miðað við árið á undan. Ívið minna var notað af olíu- og smurefnum og hreinsiefnum á árinu miðað við árið 2014. Magn hreinsiefna er breytilegt milli ára þar sem ekki eru öll efni keypt inn árlega.

Notkun svart- og gasolíu jókst milli áranna 2014 og 2015 í samræmi við aukið hráefnamagn. Hinsvegar lækkaði notkun raforku milli áranna og hlutfall fitu sem orkugjafa í framleiðslunni hélt áfram að aukast.

Kaldavatnsnotkun hefur ekki verið mæld þessi bókhaldsár en notkun er áætluð fyrir árin 2010-2013 út frá sólarhringsmælingu á kaldavatnsnotkun sem gerð var 29. – 30.04.2011. Notkun á heitu vatni er breytileg milli ára og tengist það tíðafari, þar eð að heitt vatn er notað til kyndingar.

Engar tölur eru fyrir skil á spilliefnum, en mjög lítið fellur til af þeim í verksmiðjunni. Talsverð minnkun var á magni almenns úrgangs miðað við árið 2014 en megin uppistaða þess úrgangs sem fellur til frá framleiðslunni er hráefni sem þurft hefur að farga.

7 SKÝRINGAR Á UMHVERFISPÁTTUM

Hér á eftir fara frekari skýringar á helstu umhverfispáttum í rekstri Orkugerðarinnar ehf.

FRÁVEITUVATN

Fráveituvatn frá verksmiðjunni kemur að hluta frá þétti- og kælivatni sem notað er við meðhöndlun útblásturs frá sjóðurum. Annar hluti fráveituvatns kemur frá þvotti og hreinsun vélbúnaðar og svæða í verksmiðjunni. Báðir þessir hlutar fráveituvatns innihalda næringarefni í einhverju mæli sem eru ýmist á föstu agnaformi eða uppleyst í vatninu. Uppruni næringarefnanna er hráefnið og þvotta- og hreinsiefni. Spilliefnum er haldið frá frárennslí. Auk þess er í vatninu einhver fita úr hráefninu. Í verksmiðjunni er hreinsibúnaður fyrir fráveituvatnið eins og krafa er gerð um. Búnaðurinn byggir á fellingu svifagna og næringarefna með íblöndun fellieflna eða polymera. Úrbætur voru gerðar á fráveitubúnaði fyrtækisins m.a. á fituskilju og undirbúnningur hafinn af frekari úrbótum sem koma eiga til framkvæmda árið 2016. Fráveituvatn frá starfseminni fer síðan í kerfi út á lóð fyrtækisins og er leitt í siturlagnir þaðan sem það sfast niður í jarðveginn. Langt er í næsta yfirborðsviðtaka og landhalli lítill og var þessi siturbeðsaðferð valin þess vegna.

Starfsleyfi verksmiðunnar segir til um að mæla skuli rennsli og hitastig á fráveituvatni eftir hreinsun auk þess sem aðstaða skal vera til að meta fráveituvatn sjónrænt. Þá eru viðmiðunarmörk fyrir nokkra mæliþætti s.s. súrefnismettun, sýrustig, ammoníak, BOD og svifagnir.

Skólp frá starfmannaaðstöðu er veitt í sér kerfi í rotþró á lóð fyrtækisins og er hún hreinsuð reglulega.

Áætla má frárennslí verksmiðunnar gróflega út frá ofangreindri mælingu á vatnsnotkun og áætluðu vatni sem kemur úr suðu hráefnis um $1\text{ m}^3/\text{klst}$. Gera þarf mælingar yfir lengri tímabil til að fá betri nálgun eða setja upp síritamæli.

LOSUN EFNA Í ANDRÚMSLOFT

Útblástur frá verksmiðjunni í loft kemur að hluta frá hráefnissjóðurum en frá þeim kemur vatnsgufa. Annar hluti kemur frá innlofti verksmiðju sem blásið er út um skorstein. Báðir þessir straumar innihalda lífræn efni og gös úr hráefninu. Sum þessara efna valda lykt sem orðið getur til óþæginda, sérstaklega ef hráefnið er gamalt og lélegt í gæðum.

Loftstraumur frá sjóðurum fer í gegnum hreinsibúnað fyrir losun. Hreinsibúnaðurinn samanstendur af skilvindu þar sem þyngri agnir eiga að falla út. Þá fer loftið gegnum eimsvala sem þéttir rakann sem síðan fellur niður í fráveitu frá búnaðinum. Þriðja þepið er svo brennsla á lífrænum gösum eða efnum í loftinu sem fer gegnum eimsvalann.

Loft úr húsnaðinu er leitt gegnum vothreinsibúnað áður en því er sleppt út. Afsog á innloftinu er haft sem næst mestu upptökum ryks og lyktandi efna eins og t.d. við átöppun mjöls á sekki.

Frárennsli frá lofthreinsibúnaði verksmiðju er leitt í frárennsli verksmiðju sem fer síðan í hreinsikerfi sem er lýst að ofan.

Vitað er að vothreinsibúnaður hefur ekki virkað sem skyldi, en þar sem inniloft er ekki markverð uppsprettu lyktarmengunar ætti það ekki að koma að sök. Viðmiðunarmörk hafa verið sett fyrir brennisteinstvíldi, sót og ryk í loftútblæstri verksmiðjunnar. Mælingar og sýnataka úr loftútblæstri hafa ekki enn farið fram.

ÚRGANGUR OG SPILLIEFNI

Almennur úrgangur

Nokkuð fellur til af almennum úrgangi frá Orkugerðinni ehf. sem er í raun að mestu hráefni sem illa hefur gengið að vinna úr.

Spilliefni

Lítið hefur almennt fallið til af spilliefnum í verksmiðjunni og því sem skilað hefur verið til móttökuaðila hefur ekki verði skráð eða fengnar kvittanir fyrir.

8 NIÐURSTAÐA

Orkugerðin ehf. hefur í þessari skýrslu birt helstu lykiltölur og þætti sem til eru og varða umhverfismál fyrirtækisins.

Þá hefur Orkugerðin einnig tilgreint helstu frávik frá kröfum starfleyfis verksmiðjunnar sem varða búnað og mælingar og mun eftir best getu vinna að lausn þeirra í samstarfi við starfleyfisveitanda.

Önnur atriði sem Orkugerðin ehf. þarf að vinna við að bæta vegna umhverfismála eru m.a:

- Að framfylgja núverandi gæðakröfum um að hráefni sem berst verksmiðju sé af sem bestu gæðum og vinnsla þess í verksmiðju fari fram sem fyrst til að draga megi úr lykt. Orkugerðin vinnur nú að bættu innra skipulagi og gæðamálum sem tengjast þessu.
- Halda áfram að vinna að minnka efnanotkun eins og unnt er við þvotta og að vinna að vatnssparnaði við þvotta.
- Að láta vigta spilliefni sem myndast í verksmiðju og skilað er til viðurkennds móttökuaðila og fá kvittun fyrir bókhald.
- Að setja markmið í takt við starfsleyfi og umhverfisstefnu fyrirtækisins og auka innra eftirlit og gagnlegar skráningar.
- Að vinna að innleiðingu á umhverfisgæðakerfi Orkugerðarinnar ehf.
- Ljúka á frágangi á fráveitulausn við verksmiðju – verður lokið 2016.

